



PSALM 71


71




By U, o He-re, seek ek skui-ling.




Ek weet U is ge - trou.




Hoor my ge-roep om hulp.



Laat staan my nie te-leur-ge-stel nie.



Kom red my en be-vry my



van god-de- lo- se men - se.

2.

Ek het op U vertrou van jongs af.

U, Here, is my hulp.

U, Here, is my hoop.

**Vandat ek daar was in die wêreld,
ja, selfs voor my geboorte
was U reeds my beskermmer.**

3.

Ek loof U daarom, Heer, gedurig.
So baie wat dit hoor,
verwonder hul daaroor.
U is my sterkte en my toevlug;
ek sing van U voortdurend
die hele dag 'n loflied.

4.

Moet my dan tog nie nou verwerp nie
noudat ek oud is, Heer,
verswak en sonder krag.
Nou smee hul saam komplotte teen my;
die vyand soek my lewe.
Laat my nie nou alleen nie.

5.

Hul sê: "Hy is van God verlate;
laat ons hom agtervolg,
hom gryp; wie sal hom red?"
Moet tog nie ver van my af bly nie.
Vernietig my vervolgers
en bring oor hulle skande.

6.

Op U bly hoop ek, Heer, gedurig;
ek sal U altyd loof
vir u verlossingswerk.

Ontelbaar is u reddingsdade.

Net U bring my verlossing;
ek praat daarvan aanhoudend.


7.

**U onderrig my reeds van jongs af,
sodat ek kan getuig
van u daadkragtigheid.**


**Moet my dan nie verlaat nie, Here,
noudat ek oud geword het,
noudat ek afgeleef is.**

8.


**Gun my dat ek vir die geslagte
voortdurend kan vertel
van u verlossingswerk.
Groot is u daade en oneindig
die werk wat U gedoen het.
God, U het geen gelyke.**




Be-nou-en-de er-va-rings, He-re,




het U oor my ge - bring




maar telkens my ge-red.



Ek is ver - los uit doodsge-va - re



deur U in die ver-le - de;



gee my ook nou weer uit-koms.

10.

Ek sal U loof om u getrouheid.
Herstel my in my eer
dat ek ú eer besing.
Oor U sal ek dan juig en jubel
omdat U my gered het,
my God, getrou en heilig.

11.

**Ek sal bly praat van u verlossing;
ek sal u eer besing,
met harp en lier U loof.
Dié wat my ondergang gesoek het,
beland in die ellende
en faal in hul verwagting.**